

“ E chén da paiér ”



poesia di luciano monti

"E chén da paiér" Poesia di Luciano Monti

Dedico questa mia poesia dialettale, (con piccola morale contadina), a tutti gli amici dei cani e delle buone intenzioni... Luciano Monti

” E chén da paiér ”

E mi zi l’aveva un chén che um pareva us ciames “Boby”,
e che ul tniva pòra bes-cia tót e dé lighéd mal ròdi,
d’un caret drì na pajéra,
propia in faza un chémp d’spagnéra.
L’éva e pél arbof e rusgh,
pin ad pólši fina e muš,
sempre alghéd m’una cadèina,
da la sera a la matèina.
Ad magné pó nu ?curemni,
perchè ló ui dèva e rèmlì,
sna muliga ad pèn dur,
cu nè vliva ghenca i surš,
e pó ui fèva un pò ad zunta,
a s’un sèç ad aqua sbiunta
Ma la dmendga e per al festi,
snò quandè cal gl’era resti,
ui tireva dó tre o?i,
che li n’era ghenca gro?i,
za pluchédi e arpluchédi,
cl’éra guasi fadigh védli,
che pòr “Boby” sa cal fèmi,
ul madeva anche zó sèni
e tra sgagnli e strangalóz,
e curiva a testa basa per mašes di drì de pòz.
Una nòta ad tempurel che pareva amnses zó e mond,

tra saeti, lèmp e tòn u s'è mèss a zirè in tond,
fina a quand che la cadèina la s'è ?curta sempre ad piò,
e pó dop a la matèina i l'ha trov sal gamb d'insó.
Ma ad ste fat un gnè murèla,
perché l'è pó sempre quella:
quand che un e na? sgraziéd,
grench tla morta e vin premiéd...
Luciano Monti

[Read More](#)
